

**Ministarstvo unutrašnjih poslova Kantona Sarajevo**, ulica La Benevolencije broj 16, koje zastupa ministar Admir Katica, (u daljem tekstu: Ugovorni organ) i

**PENNY PLUS d.o.o. Sarajevo**, ulica Igmanska bb, ID broj 4200162210002, koje zastupa direktor Almedin Kadrić (u daljem tekstu: Dobavljač) zaključili su:

## **UGOVOR** za nabavku materijala za grijanje

### **Član 1.**

Predmet ugovora je nabavka materijala za grijanje, za potrebe Ministarstva unutrašnjih poslova Kantona Sarajevo.

Nabavka je izvršena putem konkurentskog zahtjeva za dostavu ponuda, na osnovu Odluke broj 01-11-4-6986 od 07.12.2022. godine i Obavještenja o nabavci broj 1364-7-1-89-3-63/22 od 08.12.2022. godine, Odluke o izboru ponuđača broj 01-11-4-6986-2 od 19.12.2022. godine. Ugovor se zaključuje u skladu sa uslovima iz tenderske dokumentacije, ponudom Dobavljača i odredbama Okvirnog sporazuma broj 01-11-4-6986-3 OS od 20.02.2023. godine. Ponuda Dobavljača broj 22-0000-000070 od 16.12.2022. godine čini sastavni dio ugovora.

### **Član 2.**

Ukupna vrijednost ovog ugovora bez PDV-a iznosi 18.599,71 KM (osamnaest hiljadapetstodevedesetdevet i 71/100 KM).

Rok isporuke robe iz člana 1. ovog Ugovora je 7 dana od dana zahtjeva Ugovornog organa. Materijal koji je predmet ovog Ugovora će se isporučivati sukcesivno, u skladu sa zahtjevima i potrebama Ugovornog organa. Dobavljač se obavezuje da se cijene za ponuđeni materijal, koje su date u ponudama u prilogu ugovora, neće mijenjati do isteka ovoga Ugovora, odnosno okvirnog sporazuma osim u slučajevima koje propisuje član 75. Stav (5) Zakona o Izmjenama i dopunama Zakona o javnim nabavkama.

### **Član 3.**

Ugovorni organ će ugovorenu cijenu plaćati u roku od 60 dana od dana isporuke robe i dostavljanja fakture.

### **Član 4.**

Kvantitativni prijem robe iz člana 1. ovog Ugovora, Ugovorni organ će kontrolisati prilikom prijema robe. Ukoliko kvantitet ne odgovara naručenom, Ugovorni organ neće primiti robu. Reklamacije na kvalitet Ugovorni organ može uložiti pismenim putem u roku od osam dana od prijema robe.

### **Član 5.**

Dobavljač se obavezuje da ugovorenu isporuku izvrši u svemu prema tehničkoj dokumentaciji, propisima, standardima i normama kvaliteta koji važe za vrstu roba koje su predmet nabavke u roku od sedam dana od dana zaprimanja narudžbe.

### **Član 6.**

Garantni rok je 12 mjeseci.

#### Član 7.

Dobavljač se obavezuje da će vršiti isporuku roba u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta isporučene robe.

Ugovorni organ će utvrditi razuman rok za ispravak propusta Dobavljača u smislu isporučene robe.

#### Član 8.

Dobavljač je dužan da u roku od 10 dana od dana obostranog potpisivanja Ugovora, dostavi garanciju za uredno izvršenje ugovora u obliku bezuslovne bankarske garancije u iznosu od 10% od vrijednosti ugovora, sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

#### Član 9.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u okvirnom sporazumu i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

Strana u okvirnom sporazumu koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

#### Član 10.

Ugovorni organ nema pravo zapošljavati, u svrhu izvršenja ugovora o javno nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavku, najmanje šest mjeseci po zaključenju ugovora, odnosno od početka realizacije ugovora.

#### Član 11.

Sva, eventualno sporna pitanja rješavat će se dogovorom, štiteći obostrane interese. U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

#### Član 12.

Ovaj ugovor stupa na snagu danom potpisivanja ovlaštenih predstavnika i traje do realizacije ugovorenog iznosa, a najduže godinu dana od dana obostranog potpisivanja ugovora.

#### Član 13.

Ovaj ugovor izrađen je u četiri istovjetna primjerka, od kojih po dva zadržava svaka strana.

**DOBAVLJAČ**

"PENNY PLUS" d.o.o. Sarajevo

direktor, Almedin Kadrić

Broj: PR F-10-04721/2023

Datum: 20.03.2023

**UGOVORNI ORGAN**  
**MUP KANTONA SARAJEVO**

ministar / Admir Katica

Broj: 01-11-4-6986-4

Datum: 20.03.2023. g.